

陳氏荷華山房詩稿卷之八

高安陳邦瞻德遠著

七言歌行三十八首

朗上人自匡廬訪余山中言有黃山之遊
索詩爲賦長句

我本臥遊人長嘯發奇想千岩萬壑盡圖闡四
壁琴彈爭欲響逢人每愛說遊山更喜空門去
住閒有時乞食掛瓢去忽漫凌空策杖還吾鄉
朗師何秀發早歲辭家意超越佛日朝披鷲嶺

雲海風夜泛龍湫月吳山越水足徜徉匡廬秀
掛南斗傍乘興飄然來故鄉過橋趺坐遠公堂
訪余便入窮山裏赫日蒸空忘大暑說法微露
箭鋒機論詩直瀉絃中水欲留不住忽掉頭自
言去作黃山遊猿愁鳥絕都不管直將飛錫凌
高秋獨往飄遙真可羨就中密意誰能見蓬花
萬疊總禪心松枯千秋猶佛面問師西笑更何
方石頭路滑莫徬徨要須吸盡西江水再問高
安五道場

壽朱諧卿廷尉六十長句

憶昔結交少年場，與君意氣頗頡頏。君才騰踔
如飛黃，朝刷楚甸暮燕疆。五花文錦照天閭，而
我駑足困康莊。風塵滅沒遙相望，青衫華髮晚
爲郎。卽十年豐鎬，逐鷓行君時入臺，持紀綱相逢
大笑紅顏蒼。鳳臺突兀石城長，長干花月美清
揚。三山二水共徜徉，有時爛醉對霞觴。茫然白
眼失金張，多君風采凜秋霜。每從當道問豺狼，
皂囊絡繹動明光。豈惟聲伎楨平陽，更思請劍

擬安昌明主有意開天章側聞曳履上巖廊如
何槐棘尚徊翔今辰何辰登君堂中宵南極吐
星芒故山梅柳正芬芳滿庭蘭玉共趨蹕願持
北斗挹天漿我爲蒼生祝壽康南山松柏陵與
岡

代宋水部壽朱諧卿廷尉

管人沾沾誇御李我及龍門垂一紀當年彈鋏
事虞遊逢君攬轡長千里片言遂結布衣驩公
卿下士古誰比論詩說劍氣續紛酒酣耳熱出

狂語人生遇合豈有常
晚立門墻稱弟子自慚
燕石誤陵陽敢言匠氏
收杞梓君登槐棘我爲
郎鳴珂並向明光裏
細羽躡躑學孔鸞微鱗澆
溥歸王鮪從君復作故鄉遊
正值朱門歌燕喜
愛客長開北海尊
升堂更酌穆生醴
君也丹心照紫宸
雙瞳炯炯如秋水
天下蒼生望謝公
漢廷疆禦驚仲舉
但傾大斗不須辭
祝君駘背更兒齒

洞山寺清風亭廢址歌
舊有夏太守景畫

竹

洞山亭子山之顛當年突兀凌雲烟高禪已去
宗風在千載清廳長颯然風流太守文章伯筆
妙丹青冠疇昔坐向此亭寫此君天矯蛟虬掛
千尺霜枝露葉長如新蕭瑟風聲冷相射我來
吊古凭闌干爲愛清幽欲去難對面恍疑方外
侶回頭始悟畫中看一別飄零知幾載恍惚桑
田變成海雕欄繡壁已成空豈獨遊人朱顏改
枝頭棲鳳何處尋池上化龍詎肯待從來大地

一微塵此竹此亭寧有真可憐月白風清夜愁
殺婆娑美影人

安成劉養素求六十詩自言晚得三丈夫
子皆有慧性爲賦長句

平生江海性所適棹臂滇南復薊北採藥天台
春晝長吹笛洞庭秋月白歸來六十未婆娑
刀圭入口蒼顏酡坐看竹梧花上雨日夜鳳雛長

毛羽

遼山在縣西南四十里山下有宋齊丘故

居

九華山人名愛山浪跡江南萬山間朝遊青山
暮入幕山中那得顧猿鶴此地誅茆亦偶然野
人何事尚能傳未須俯仰悲今古白石丹霞自
可憐

荷華篇

余家荷華山下飽觀雄秀欲爲作歌久之
不就偶讀杜陵衡麓道林行用韻擬作一
首命曰荷華篇山靈有知雖不免效顰之

誚亦備紀載故事云爾

蒙末西來氣象殊荷華百里重縈紆幽深自欲
盤巖谷雄豪恨不壓江湖風高響過神君佩霧
暗香霏玉女爐一峯翠湧卓爲筆雙沼丹涵噴
似珠露盤檠出仙掌獨花萼生垂菡萏香俱夜色
西傾瞻玉兔朝曦東吐明金烏綵鳳吹簫意恍
惚白象驅車人有無宅傍煙霞家長在手捫星
辰身匪扶靈草充糧寧資種香茅結宇未煩誅
灑氣淋漓饒石髓元精滲漉遍雲腴遊客瓢笠

龍象入道人庭戶猿鶴呼更於何處避人世只
合從此置吾軀風餐露吸未寂寞紆朱拖紫豈
良圖途窮阮籍哭何事山靜蘇登嘯更孤地靈
應免還逐客天籟無心自唱于偶拈綵筆干霄
漢非是登高學大夫

南山謠

南山老父賣耕牛泣向春田雙淚流家貲典盡
到兒女官裏催租殊未已去年安坐同養疴今
年疣破誰爲收君不見黃雀滿田無啄粟城頭

老鴉飛攫肉

婉轉歌

偶讀徐陵詩擬作

麗人三月滿天津
墻頭美女出東鄰
細束腰肢珠被穩
低垂雙鬢翠釧新
桑下贈金還自拒
冰邊解佩屬何人
紅塵隱隱迷緇憶
青霧霏霏繞畫輪
畫輪畫輪紺纓春
風轉南陌東城無
近遠泥香紫燕下
高樓花暖流鶯啼
內苑日落惟愁玉樹
殘風吹生怕瓊枝
晚芍藥題詩約未
成
靡無墜
遠心先亂生
生平十五已含情
絕艷由來衆目驚

才教垂手輕越女非關巧笑惑陽城只言齒齒
生來並豈悟鴛鴦繡不成巫峽朝雲長漠漠天
河一水獨盈盈梧桐樹樹宿鸞鳳一枝一葉自
相當薄命寧辭同碧玉多情終得嫁王昌別鶴
移絃愁舊曲盤龍隨鏡對新粧願藏漢帝黃金
屋莫下盧家白玉堂

長歌行

借吳大學生羽翰在還豫章賦

我乘扁舟意超忽錦流蕩漾深千尺何來秀色
滿眉間飽看西山還柱笏買魚沽酒醉城頭與

君同瀉古今愁飛煉凌霄復何處知是千年帝
子樓落霞孤鶩長郊昨暮雨朝雲幾度收禪房
鐘磬聽未歇客思早已隨歸舟北風江裂南風
勁往來濁浪何當休暫時留滯尚如此况乃萬
里生離憂憶昔携君金陵道狂歌逸思薄秋昊
那知身世困風塵但喜醉眠籍芳草歲月飄零
掣電中君尚紅顏我衰老薄遊漸覺意氣無強
歡那得懷抱好吳郎停杯聽我歌我歌聲苦奈
君何要當盡釀長江淥彈絲日醉千叵羅

甘文德鄉飲

甘君韞藉今無有，早棄一官如敝帚。
自來矯首出風塵，那肯低眉問升斗。
一生蹤跡似孤雲，三徑門墻惟五柳。
願從蓮社擅風流，嬾學蘭陵稱祭酒。
其知高誼動專城，公府幾回下榻迎。
乞言爭欲趨惇史，下拜還聞事老更。
笑殺漢庭空執轡，只緣青紫重桓榮。

荷華山放歌

憶昔仙人駕象來，芙蓉萬疊洞門開。
玄風含羽歛

播靈境佳氣恍惚通蓬萊藥爐丹竈龜知無用絳
節羽衣紛徘徊雙泓窈窕貯瑤碧紅白蓮花相
對開奇葩異萼香噴薄大華玉井相崔巍石壇
漠漠仍千載仙馭泠泠去九垓靈幢寶蓋不復
見道人遊客心空哀我管童稚負奇骨髒衣有
志凌塵埃自料紅顏生羽翰何須姹女結真胎
百年此意雖如夢翻飛朝夕自雲臺北尋崎嶇
訪華蓋却笑杜子非仙才

去燕

桂爲棟杏爲梁突兀黃金屋熒煌白玉堂燕燕
長栖宿和鳴自頡頏日暖泥融花草香養雛歛
見羽毛長秋風颯颯忽淒涼朝來庭樹有微霜
雕欄綺檻信可愛其如瀟瑟酒衣裳細語呢喃
斷別腸一朝蹤跡竟渺茫但願庭戶再炎熱依
舊雙栖復雙翔

道過山谷寺不果遊戲作短歌

管人入剡訪名山今我栖遲道路間名山在道
不及登山靈未許杭塵顏採藥燒丹非所羨卓

錫傳衣亦等閑終當御風如列子千里孤雲自
往還

皖山歌

北風夜吼岡原裂游子長驅愁欲絕風前放歌
眼忽明皖峯為送晴空色我聞此山開闢尊秩
祀邈矣來軒轅南距衡霍三千里禮數更崇如
弟昆勢通鰲軸厭吳楚氣干天闕變朝昏龍蟠
獅居互連結疊嶂層巖爭秀發真仙丹竈射朝
霞上界霓旌搖古月傾峽忽瀉銀河流嵌空猶

浮太始雪元封天子英雄才萬騎千乘動地來
初從天柱埋壁往復覩潯陽射蛟迴金函王檢
今安在千年剝落生莓苔兔走烏飛不肯待猿
啼鶴唳令人哀我作皖山歌還出皖山道山中
空見白雲閑道上日催紅顏老浮生何日出風
塵長向山頭拾瑤草

宋王烈女千金未嫁夫死誓不他適父知其志從之
父卒母忽有異議遂抱父木主痛哭扶目血流滿地
七日死事載潛志

王家烈女字千金金石無如烈女心
父能知心母不知一死還明心
不欺生來未解識夫應死
去惟應與父期金簪快職
職流血此血宜化長
弘碧闥中白日忽無光
滿城花草凋顏色皖山
天柱凌天閣女節直齊天
柱尊爲傳吊古道旁
客無煩更問二喬村
二喬村在潛
行路難三首

君不見見天門沉沉守九虎
上帝高居王清府不
遣雙輪燭下土一氣茫茫
何由覩金烏啄日日

爲誓蝦蟇吞月不肯吐雲羅霧織密如罟妖啼
鬼嘯雜風雨燭龍銜燭一何苦光如燭火勢難
普嗚呼陰陽之精豈終藏王皇依舊雙瞳光

其二

崑山萬里摩太清鍾靈毓瑞闕元精球琳琅玕
生長成神光夜燭白虹明良工望氣杖靈扁琢
爲國珍獻王庭明堂清廟生光榮鬼神昭格薦
精誠災沴潛消五穀盈人間反覆殊可驚凡礫
爲寶圭璧輕崑山日夜野火焚雲霄黯澹無晶

熒彤宮五瑞何由呈
嗚呼至寶不時至
密言守藏莫輕棄

其三

天閑十二雲錦隈
粟豆婢山首
窟堆晝長飲
斲噴風雷
圍人惆悵
心中哀
名高實卑
多凡才
法駕有時窮
九垓西觴
王母金銀臺
權奇滅沒安在哉
渥注真種
產龍媒
至今流落
隨驚駘
金羈錦韉
不被體
大行垂耳
悲虺頽
嗚呼鳳臆
蘭筋行將老
托身王御
恨不早

道上柳樹

道傍楊柳栽來久春日青青秋未朽
纖葉長愁思婦眉柔條半入征人手
飄搖堤岸解繫船綽約旗亭喚沽酒
我管冷遊透少年青絲白馬章臺走
濯濯長臨夜月前娟娟肯落春風後
如今憔悴獨堪悲青眼窺人笑衰醜
可憐搖曳尚多情落日蒼茫重回首

關山月

關山月缺復圓初轉銀盤來碧海
俄飛明鏡向

青天娟娟夜色蟾蜍曉濯濯清輝桂樹連游子
路岐勞遠望思歸高樓怨獨眠由來咫尺限河
漢漫道千里共嬋娟

路傍嘆

秋氣蘊隆日如血前者隕霜何太急陰陽愆伏
不可常豆藉枯死黍穗黑東人杼柚久知空南
畝耕鋤何當及荒村饑雀噪紛紛路傍寡婦携
兒泣

放歌行贈熊壇石給諫

熊郎意氣雄今古我思拂劍爲君舞舞後三杯
醉復歌歌聲激烈心腸苦長安官道直如絃車
馬豪遊俠少年折柳章臺還挾彈看花長樂競
鳴鞭賈誼上書不得達楊雄寂寞獨迷玄萬事
翻覆無不有天上白雲變蒼狗可憐粉黛圍腰
支更看健兒誇身手甘陵南北復奚爲田實傾
移亦堪醜羨君勁節出風塵珊瑚磊落玉嶙峋
胡爲栖皇在旅邸不使簪筆行麒麟天生異才
元不偶青瑣風流滿人口孔翠行看起赤霄神

虬那復困泥垢許身稷契固有時接武夔龍應
非久願君慎匣雙芙蓉九衢一日風雷吼

黃州雨夜短歌

黃州鶴夢已千載夢中文鶴飛何在我來吊古
訪奇蹤惆悵管人不相待明月清風亦已無夜
雨淋鈴愁似海

朱仙鎮謁岳廟

將軍百戰擁貔虎雄心久已吞狂虜故都父老
泣涕迎兩河忠義盡旗鼓唾手中原勢已成長

驅直望黃龍府詔書一日下行營旌竿忽折鼓
聲死回首朱仙落日黃空使三軍淚如雨

庭中有鶴一隻每出視事輒舉步升堦屢
然孤鳴念此仙禽栖托咫尺意若自得者

爲賦一詩

白鶴自何來栖宿庭間樹蕭蕭雙影寒向此不
能去緜嶺仙人空有期青城道士歸何處翻日
參差翻舞毛向風寥廓憂狐喚從來仙質異凡
禽此際寧忘萬里心欲共鴛鸞舒羽翰肯向鳧

雁學浮沉長鳴自墜秋天迥獨宿誰憐夜月深
何限清飈來爽氣會送玄裳入上林

鄴城懷古

我來鄴臺遊一醉鄴臺酒千載滄桑世自更
百年朝莫吾何有春去猶飛廢苑花愁來還折古
堤柳當年此地霸圖開入幕登壇盡俊才作賦
吹噓霏霧雨談兵叱咤生風雷層臺複閣凌空
起琳碧熒煌照漳水帳中歌舞曙色前苑邊飛
蓋月明裏祇言豪貴勢無倫那信繁華一聚塵

才子盡成泉下土，美人已化洛川神。秋風蕭颯，
吹羅幕，夜雨淋漓。滴浸銅爵，但見兒童歌墓門，不
聞賓客燕平樂。王碎珠沉野土，肥離宮處處滿。
苔衣至今殿瓦，精靈在暗。逐鴛鴦高下飛。

贈別尹惺麓憲副

幾年揮手秦淮道，尚憶秦淮花月好。長亭杯酒
照紅顏，今日逢君吾已老。岐路仍歌古別離，中
年那免惡懷抱。獵獵寒飈，逐轉蓬離離。落日迷
衰草，秦山蜀棧總連雲。側身西望，愁如擣。君才

自合重明時我心已墮清江湄
他日飛騰高向詹
事相思還寄草堂詩

烏啼曲

署中羣木頗繁然無他巢朝夕惟
聞烏聲意頗厭之因有此作

我管山棲習啼鳥北來羽族頗希少
黃鸝紫鳩
時一聞千村萬村羣鳥繞
櫻肉能令小吏愁啼
欄似報深深閨曉多於雁陣
且莫雲飄若鵲橋架
秋沼初時鳴噪未知煩
朝朝莫莫轉相喧
已從
面壁妨幽獨復向北窗驚
夢魂庭下園中多古
木暫時飛去還來宿
啞啞如伴孤兒啼
哀哀疑

是羈雌哭城上畢逋尾可憐琴中哀怨淚相續
上林一枝更有無獨宿長愁夜帳孤安得還山
免惆悵日聽歌鳥勸提壺

短歌三章章五句

朔風獵獵飛枯蓬天寒失所隨西東松徑荒蕪
菊萎藜念爾有家不能住人間岐路泣無窮

其二

長安年少日爲羣結交輕薄何紛紛舌如電光
氣凌雲頭白書生守環堵窮來空作逐貧文

其三

平生好文兼好武十年作吏困塵土長歌激烈
淚如雨豈無意氣似田郎題柱何緣驚明主

問蒼蒼天行

問蒼蒼天天生萬物何駢闐其間壽者無崩騫松
柏忝翠金石堅人秀而靈獨忽然襤褸遞加至
百年百年之內幾變遷紅顏倏忽成華顛含情
抱識空熬煎憂樂相尋如轉環致身巖貴操化
權鐘鼎竹帛等浮煙何況折腰乞人憐美酒新

豐斗十千飲如鯨吸長醉眠醒來地窄難迴旋
我欲凌風入蒼玄化爲白鶴唳青田

有客行

有客有客在滄陽春日已過夏日長秋漏沉沉
夜未央冬寒霜落天無光我生胡爲老行役白
頭棄置無人情旣不能入身帶城結子公又不
能採芝遠學商山翁踏傍逐逐馬牛走床頭劍
篋蛟龍吼歲莫高歌疾其首

汴都行

我行朱仙道遙問大梁城掌上川原如繡錯雲
中樓觀忽虹明車馳馬驟無今古赤縣神州原
此土戰國雄豪重信陵唐家藩鎮尊宣武黃河
如帶汴如環平地俄成萬歲山本連嵩洛多王
氣何必散函作帝關蜀麻吳稻舟衝尾齊統魯
編車班班開寶祥符遞全盛主臣無事長相慶
泰山后土盡增封龍庭雁塞成交聘萬國梯航
日日來兩河烽火年年靜紫蓋黃圖瑞氣縣道
山蓬閣集羣賢爭道夔龍堪接武肯言楊馬解

齊肩天子賞花分玉尊侍臣下直擁金蓮斗拱
星旋方未已豈悟銅駝臥荆枳野火燒連良嶽
雲杜鵑血染御河水河水瀰瀰遶故堤楊州門
外烏夜啼滿堤楊花映芳草游人只道東京好

病熱

六尺匡床兼竹几抱病經旬臥還起屋裏低頭
氣不蒸炎日蒸窓僅一紙虛聞幽壑滿寒水風
磴雲門思萬里清秋白露應未造一掃煩歎病
如洗

渡河登廣武山戲作長句

扁舟南過黃河水廣武峯頭朔風起偶然長嘯
懷阮公此中磊塊今古同未必成名輕監子試
憑吊古問羣雄此地從來控諸夏虎鬪中原龍
戰野朝聞堅壁守敖倉莫見連營屯白馬天地
何曾罷烽烟山岳時時樞叱咤漢楚興亡一聚
塵廢壘殘墟愁殺人村禽終日啼枯樹野草千
秋化鬼燐時遷陵谷俱無主運去風雷豈有神
英雄自古骨俱朽而我悠悠復何有少年解事

已自癡况及栖遲成老醜世無曹馬輩我豈嵇
阮流尊前有酒醉且休撫膺莫作商聲謳

安陽懷古

鯨背橋邊城巖業古帝曾聞河亶宅黃堆故塚
穴妖狐秋草茫茫尋無跡龍山白石磊砢坡陀虎
澗王泉流蕩滯荆棘盡荒涼馬臺莓苔併剝韓
山石宮殿塵飛有劫灰園陵土蝕無英骨放歌
且上狎鷗亭一醉忘歸寒雨白

陳氏荷華山房詩稿卷之八終

陳氏荷華山房詩稿卷之九

高安陳邦瞻德遠著

五言律詩九十首

南康阻風

白浪高於屋北風午益狂
龍爭轟鉅鹿虎鬪駭
昆陽江勢吞吳盡山形帶楚長
愁心傷一葉目極正蒼茫

其二

匡廬原咫尺猛擬陟其顛
天地忽飛動波濤更

接連錦屏虛挂月雙劍漫凌煙不盡冥搜意維
舟一悵然

書龍給事挽卷

海內論遺直青蒲想犯顏聖朝容死諫逐客有
生還紫氣原千里浮雲尚九關至今傳白馬遺
影照燕山

其二

封事留中日孤臣去國年星槎疑犯斗瘴海欲
連天名自南金重身終趙璧圓臥龍還作雨遺

愛滿青編

采石吊李白

開元數才子誰是謫仙儔
叱咤千人廢江河萬古流
浮雲無遠近芳草自春秋
却憶潯陽日冥鴻似可求

其二

不必騎鯨去長庚自在天
空餘波底月長似醉中仙
秀句寰區滿佳名異代傳
我來舉杜若春色老江邊

爲俊卿侍御悼亡

那知搖落後復此下堂悲秋月徒堪攬朝雲盡
可疑香魂隨夢返寒影共燈遲寂寂殘機在能
忘欲斷時

得鄧時寧燕中書感賦

故人爲別日揮淚動沾襟况復逢搖落能無嘆
滯淫書來驚對面讀罷能倍傷心無限連牀意瀟
瀟風雨深

閒居有懷知己

人事看如此閉門且索居解衣時捫虱披卷每
驚魚魚白日臨堦靜青山入牖虛聞愁漸欲少只
是故人疎

山園見梅

何處尋春色依稀到早梅未從仙苑發聊傍野
園開素影月中失暗香雪裏來不因愁玉笛乍
見卽徘徊

詠雪

同雲生瑞彩六出舞風斜大地開銀界寒空攬

玉花歸人迷野徑去鳥認平沙忽憶歌黃竹無
衣正可嗟

早行

攬坐聽鷄鳴乘涼事早征松密過雨秀稻壠入
風清溪色長如帶林煙吐欲平登臨隨處好紅
日未須生

生米觀一名斬蛟臺

萬古旌陽宅江天四面開蘿青縣石磴沙白繞
雲臺雁影秋翻月潮聲莫捲雷斗牛瞻劍氣猶

似斷蛟來

聞俊卿四丈訃驚賦二首

豈謂還真早空嗟情別長有情憐夜雨無夢轉
池塘赴義違匍匐招魂恨渺茫承塵應問鵬不
忍讀遺章

其二

羣從皆蘭玉飛騰得爾雄爲星高執法近日理
扶風祇謂成宗袞何言困鬼中總帷雙眼斷灑
淚向秋空

得家書志喜

江上雙鯉至天涯尺素開老親猶健飯游子漫
徘徊楚樹迷鄉國燕雲傍酒杯家貧須捧檄何
日賦歸來

左掖門候接本有述

左掖通丹陛宸居望紫薇省雲低拂樹宮霧
近沾衣仙仗平明入官曹薄暮歸聖朝需補
袞封事近全稀

漫興

孤館清秋色眼明意忽新
菊花如靜女竹葉當
情親米桂心徒碎詩書道未貧
幾人京國佳尊
馬斷紅塵

晚秋夜思

每恨秋風早那堪秋更殘
多愁長似宋雙鬢漸
如潘夜爲羈人永霜添
獨宿寒頗疑天關近
夢裏躡飛鸞

赴曾水部吳太史徐比部同年集莫歸口

占

樹色蒼茫裏酒闌散玉珂紅塵天路淨明月鳳樓多古寺鐘聲動寒雲雁影過所思不可見獨坐夜如何

畢太夫人壽詩同年具茨之母

管彤今代筆更覩大家才獻佛明珠出儀王鳳羽來露傳金狄掌霞薦紫瓊杯壽域天花舞猶疑咏絮催

初秋旅邸雜感十首

不淺登臨興其如客思何行邊黃霧塞望裏白

雲多親舍三千外
流年四十過微名
鷄肋似同
首愧松蘿

其二

策豈干時亟心仍學道
除猶疑雙篋裏
夜夜吼蓮花
白日荆卿筑
寒星博望槎
英雄千古事
醉語漫咨嗟

其三

誰謂長安道
啾啾車馬喧
閉門如出世
隱几卽忘言
蛛網從飄牖
苔衣看上垣
何如司馬氏
消

渴困文園

其四

濕氣蒸停午秋廳未肯涼解衣頽自放束帶叫
誰狂樹色鄰家好茶煙小院香浮沉瓜李意高
會憶鄒陽

其五

江左黃雲盡遼陽白羽催兵戈殊未已杼軸日
堪哀衮衮登臺省魏魏布棘槐回天須有力濟
世豈無才

其六

清宵稀俗慮獨坐數三更月色千門靜蟲聲四
壁驚黃金難換骨白髮易傷情但恐悠悠者終
當負此生

其七

索居吾自厭騎馬欲何之論事難張膽譚詩孰
解頤心隨南雁遠夢與北山期寂寞春遊磴可
忘啜茗時

其八

一代文章事中原
駕李何風流前輩遠
秀句後來多
玉樹標雲色
珊瑚照海波
奇觀真艷絕
吾意已蹉跎

其九

有客談玄理
天花亂舞城
未能窺太一
空自學無生
身世貧兼病
風塵利與名
安心猶有法
支枕聽禽聲

其十

肉食從來鄙瘡瘼
何日除憂天
心太早築舍計

全疎篋裏治安策，幾箇種烟書。行藏吾未卜，搔首漫躊躇。

出京

去矣都門路，茲遊未滯淫。棄繻忘夙態，捧檄遂微心。望闕重回首，懷人更短吟。金陵山水路，散秩且浮沉。

黃疇舖

野色危橋轉，河聲斷岸聯。泥深藏古徑，水落出平田。黃疇離離日，白沙漠漠烟。畏途風景異，倍

得客心縣

渡城道中遇雨

憑軒覘曉色
雨意忽溟濛
樹隱寒雲外
天迷宿霧中
關山勝久斷
道路歲將窮
白髮高堂上
年年念轉蓬

書舍山公署水心亭

小渚端花細
孤亭樹景幽
滄浪仍着月
夏氣忽如秋
俯檻生詩興
開尊散客愁
嚴程方未已
且爲小遲留

時事

蒿目論時事愁心動簡書萬家空杼軸天下笑
舟車慷慨思庭檻念君皇念壠鋤夕陽孤署冷無
語步前除

左寺公署獨坐偶成二首

豈謂依槐棘居然隱薜蘿官爲中執法寺類古
頭陀樹影交墻密禽聲入座多吟邊清興滿吾
意未蹉跎

其二

分曹近翠微雲日逗清暉地本風塵隔官仍簿
領稀逕幽從草軟墻古得苔肥休憶朝陽侶槍
榆且自飛

壽廣陵閻封君立吾戶曹之尊人

笑解青油幕言歸綠樹莊商顏藏綺季江夏起
黃香日駐真人氣星呈太史祥遙知通德里歲
歲集霞觴

其二

辭榮偏矍鑠選勝得逍遙興自梅花發隱寧桂

樹招秋濤生對酒夜月迥聞蕭信有揚州鶴神
仙可待邀

答別曹尊生實丈

爲郎任陸沉同舍得蘭金恣以傷時淚重沾惜
別襟風霜天闕迥烟雨故山深只恐相思夢蒼
茫不可尋

晚行卽景

依村斜照歛望岫白雲還鷄犬歸籬落牛羊下
遠山墟烟穿樹盡澗水逐橋灣馬首生新月郵

扉夜不關

廬州道中

曉日淮西路悠然野興寬
田間人影散雲外雁聲殘
風細平林靜霜濃茅屋寒
年年書劍遠此地望長安

北峽關口號

逕轉岡巒逼林回磴道紆
白雲隨馬足黃葉擁肩輿
山勢雄臨楚關形曲枕舒
時清無割據籬落野人居

同內弟求之夜坐對酒

歲華嗟轉迫愁病苦相侵
遲莫疎生計鬢絲煩損
道心塵機清夜息濁酒故人斟
更抱遺經讀小
窓燈火深

冬夜吟月

千門寒氣徹萬戶綺雲過
不是高樓望其如遠
思何關山搖桂魄天漢耀金波
儘說秋宵好清
光可更多

宋山人投詩見問次答

他鄉風雪苦羈鳥未安枝自惜飛能倦誰言羽
可儀日寒催歲晚花凍得春遲頗憶論詩好何
時共一卮

得友人孫季屏書有相過之約詩以代答
離心天邊遠好語病中聞有與看修竹無心怨
莫雲沉冥生白室寂寞草玄文何計能娛客春
醪釀十分

晚眺二首

望遠情可極乘高眼未還霜飈寒入檻雲氣晚

流山身世行藏裏
田廬去住闢豈應
垂別淚方自損朱顏

其二

底事來鄉國
登臨亦斷勝
依親身未穩
徇祿意徒傷
反照千家白
浮烟萬點蒼
關山無盡處
歸鳥去茫茫

元日試筆

韶光南國麗
燕喜北堂新
翰染椒花色
觴流竹葉春
綠楊催繫馬
芳草待遊人
萬里瞻雲氣
遲

回憶 紫宸

東張吉生

憶爾逢春日，攜文錦不如。異才宜待詔，喜色動
公車。寒破官梅早，香沾陌柳初。招邀乘興好，可
負帳中書。

早春謁先墓志感

長憶趨庭對，彌增上墓哀。悲風號薜荔，白日澹
蒿萊。有道碑誰托，南陽阡未開。春天濡雨露，和
淚灑泉臺。

春日六首

白日村村曉青春樹樹深
條肥新柳岸芽綻舊桃林
物色驚愁眼生涯覺苦吟
猶憐蠶足頭蟻得傍故園斟

其二

飄泊真沉陸蹉跎莫問年
骨衰仍善病官職不成員
來往勤書劄依違愧俸錢
澹榆心自穩敢復論騰蹇

其三

時事關心切
春愁觸緒多
貂璫頻奉敕
狐鼠亦橫戈
忠憤青蒲結
艱虞白羽過
鶯花空滿眼
對酒不成歌

其四

僻地襟期靜
貧家意趣長
奉親常饌美
留客野蔬香
佳氣生蓮岫
晴光覆草堂
歲時且爲樂
莫問別離傷

其五

但說江山好
那知生事微
趣憂兒輩覺
詩愛和

人稀隱几浮雲過
閑簾白鳥飛
縱然慙大隱
端不負初衣

其六

千金買轆轤
百萬擲樗蒲
未論身名泰
聊徵膽氣
麓一從隨浪跡
那復想雄圖
自古麒麟畫
何曾着腐儒

春宵

事業遺經在身名
一命叨逢年
慙樸學報主笑
閒曹藜藿詩腸苦
風塵容髮搔
春宵渾不寐
心

折對村醪

十三夜觀燈作

節近春光媚年豐樂事賒市燈爭共闔前鼓不
停槌入席繁星亂窺楹綺月斜回頭憶年少紫
陌逐香車

入城道上口占

野綠生晴靄山青着暖暎催傍籬花影透穿樹鳥
聲來勝事春能數良遊興肯頽錦城今夜月猶
共九微開

春雨

漫說春猶在已聞花欲空打窗連夕雨射枕五
更風川霧寒難歛谷雲曉更濃歌聲金石裏誰
道子桑窮

歸路

出門仍物役歸路得幽行野水新添釣春田正
餉耕浮雲隨眼換白石與心清更羨忘機鳥閒
飛意自輕

樓雨

樓雨頻霑檻村烟故着林巷歸朝出犢水度隄
飛禽殘醉愁心覺餘寒病骨侵春山仍好在晴
色起登臨

夜讀

舊簡拂塵看高齋夜正寒讀深膏火澁點細露
珠乾五字同鷄肋三乘類馬肝更闌仍獨立明
月在欄干

馮大理雙封卷

粉署聲華遠高堂燕喜新佇看雙紫誥並是百

年人天迥湖山色花名越徼春那知借隱處雨
露切楓宸

梅駙馬宅

遠憶梅都尉當年事可傷禪貂長近帝蹕馬更
勤王汗簡多零落忠魂竟渺茫空餘舊甲第修
竹翠蒼蒼

秋日後湖堤上

湖上白雲平秋風日夜清鍾陵分曉色御苑接
寒聲獨有臨流興還餘鼓棹情中宵端正月萬

自笑疎狂客空餘癩病身肯論官不調轉愛食
長貧游冶隨年少悲歌向酒人久知非我事高
枕任風塵

出朝陽門至神樂觀有述

藍輿還獨往郊路得盤桓溪水經城慢宮雲出
野寒蒿萊棲御畝松檜隱天壇四顧鍾山色何
如柱笏看

朝天宮習儀作

列署黃圖重趨朝紫禁同華簪聯法從玉佩集

仙宮氣擁周廬霧春回待漏風漢皇仍向賦扈
蹕愧楊雄

除夜示直夫兼以言別

一年惟此夕斗酒重迢迢故里關心切殘燈細
語親我無同病侶君亦獨歸人多恐分携處鶯
花負好春

十六夜同僚諸公見過

良宵愁獨坐上客喜同遊月向銀河滿星連火
樹稠語深千鑰合情重一尊留尚惜殘更裏天

街有去驕

漫興

空齋無一事臥起足徜徉幽意生殘雪微陰送
夕陽道堪存老易游已謝金張一自幽江遠無
心錦瑟傍

春日許見如陳允修程用貞諸人見過

叔夜空能懶楊雄未有奇官閒同避世客至但
論詩樂事幽齋少春情勝侶私陌頭花爛熳車
馬爾何之

春行

照野晴雲綠連郊芳樹繁吾方忘歲月春欲滿
乾坤望眼迴天畔愁懷落故園隨頭車馬客游
覽自朝昏

贈人

俠以儒偏重名從隱更高朱家元在魯少伯晚
居陶春色花前酒秋風濠上船關心非素業殊
有鳳凰毛

春日同馮士蒙朱諧卿遊梅花塢賦

載酒堪乘興看花未後期可憐水雪意猶帶艷
陽姿白日依山澹寒雲出塢遲幾人來此地桃
李正爭時

其二

薄宦樓遲日書空病臥餘君非能共載春色已欲
全虛方外塵心盡花前世事疎陳新醪兼舊侶不
醉意何如

春莫雨中書懷併柬陳省堂廣文

春色已云莫客愁殊未與落花知幽獨寒雨助

悲涼計自逢年下拙才非混俗長
世罕文五言所慕何
用嘆爲郎

其二

世事方雲襖吾才合陸沉鶯花
寒食過風雨餓
廬深非爾能同病憑誰一論心
過從偏恨少短
楊意蕭森

轉官後自嘲二首

祿隱功名薄郎潛日月遲非千
千里息聊寄一
枝卑世態堪長棄君恩足量
移時時北窻憂遲

與故山期

其二

有意學沈淪
生涯莫厭貧
散曹宜避俗
敗屋欲留人
風雨門時杜
蓬蒿徑少親
多情簷外鳥
午枕數聲新

久雨

久雨墻苔積
濃陰苑樹遶
席門寒下雀
蒿徑曲藏蛇
浦水連街濶
江湖帶郭餘
誰憐都會地
早濕微長沙

往棲霞道中作

尋山忘近遠
遇勝得盤桓
野色來初霽
林風送薄寒
倦眼遙天豁
愁懷大地寬
莫詰前朝事
俱同夢裏看

陳氏荷華山房詩稿卷之九終